

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Quantum bonum sit Honor? eumq[ue] excellentiorem, excellentioribus deberi.

urn:nbn:de:hbz:466:1-45699

honoramus, quia testari volumus, bonam esse apud nos de eo opinionem. Ex quorum utroque, verborum scilicet & rerum honore, tamquam effectus laudis atque honoris, *Gloria* existit. Ideo siquidem, quia alterius bonitati testimonium præbemus, clarescit bonitas illius in notitia plurimorum; atqui, ut D. Augustinus alijque docent, *Gloria, est clara cum laude notitia*, addit enim honori, velut lumen coloribus, claritatem.

II.

Prou. 12. 1.
Eccl. 7. 1.
Plin. lib. 20.
cap. 24.

P. Victor.
lib de region.
vrb. Rom.
Vide Panor.
mit. 1. de
reb. gest. Al-
fonsi
Matth. 5. 14

J. Tim. 3. 17. laus, summa gloria debetur. Quo sensu Apostolus scriptit: Regi facula-

Hoc bonum autem, quamvis in existimatione ac judicio dumtaxat, quod quis de alio apud se concipit, conceptumque; quamcumque testificatione euulgat, soleat consistere, adeoque quamvis & hominum erroribus, & fortunæ casibus subiectum sit, maximi tamen fieri, quotidie experimur, & opibus longè antefieri. *Melius est nomen bonum*, ait Salomon, quam dinitia multæ: super argentum & aurum gratia bona. Itemque: *Melius est nomen bonum*, quam unguenta pretiosa. Latius enim suauiusque se se boni nominis, quam opobalsami odor diffundit: neque potest cum eius pretio opopanax comparari. Tanti, in diuinis litteris, sit Honor. Perinde enim est, siue bonum nomen, siue bonam famam, siue bonam existimationem, siue laudem, siue deciu, siue honorem, siue etiam gloriam appelles. Sæpe enim ista promiscue usurpantur. Quamvis autem hæc omnia sint extra nos, pertinent tamen ad nos, & sunt de nobis; cum honor, qui est in honorante, non sit, dicatur ut sit honorantis, sed honorati. Quemadmodum igitur virtus, aut alia quamcumque interna excellencia, est bonum, de quo gaudemus; ita & honor, qui est testimonium illius boni, est bonum, quo propnissime afficiunt & delectantur. Voluit nimis & hac homines illecebra trahere Deus ad virtutem amplectendam; ut, si honor illis placeret, ad illam accederent, eius præmiū est honor, & gloria, quæ ut Poëta loquitur, *immensum calcar habet*. Quod e iam Romani indicauerunt, apud quos, non nisi per ædem Virtutis ad ædem Honoris poterat perueniri. Quoniam autem debitum est bono & pulchro, ut manifestetur, juxta illud: *Neque ascendunt lucernam, & ponunt eam sub medio, sed super candelabrum, ut luceat omnibus, qui in domo sunt*, Deique summa est bonitas, excellencia & pulchritudo, idcirco Deo summus honor, summa

secularium immortali, insuisibili, soli Deo honor & gloria in secula seculorum. Amen. Soli Deo, quia unus & solus est Deus, & solus per se, ac suam essentiam sapiens, bonus, laudabilis, &c. à quo tamquam fonte sapientia in omnes & Angelos, & homines, & reliqua creatura bona deriuantur. Quare, et si soli Deo honor & gloria diuina, ac latræ cultus, non autem diis gentium, non idolis, non ipsis Angelis aut hominibus (præter Christum Deum & hominem) debetur; tamen alius inferior honor Angelis, & hominibus & ceteris creaturis non negatur, immo debetur, ut infra ostendam. Prout autem maior est in ceteras res bonitas à Deo sanctitasque, aut excellentia deriuata, maioribus dignæ honoribus esse judicantur. Quemadmodum ergo Christus diuino cultu latræ à nobis honorandus est, quia in ipso inhabitat omnis plenitudo divinitatis corporaliter; unde vox Angelorum, & animalium, & seniorum fuit: *Dignus est Agnus, qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem;* ita Christi Mater, ob altissimæ dignitatis suæ excellentiam, hyperduliam; alij autem Sancti duliam solent honorari. Et mortales quoque in terris, tantò quique maiore sunt amplioreq; honore digni, quantò maior in illis virtus, vel scientia, vel potestas, vel alterius cuiusque rei laudabilis excellentia agnoscitur.

Est auro maius pretium; debentur honores

Maiores semper maioribus.

Vt autem ea, quæ de summa honoris pretiositate disputat, Chassan. p. 1. catal. confid. 2. non persequar, certè honorem inter res humanas maximum quid esse oportet, cum bonis, in virtutis præmium, quod utique maximum esse conuenit, exhibeat. Hinc honor & gloria suapte natura grata incundaq; sunt, & ad utilitatem quoque maximè valent, ut ait Aristoteles. Verùm, ut Sallustius animaduertit, gloriam & honorem, & imperium bonus & ignarus è sibi exoptant. Si bonus, vera via nititur; sed ignarus, quia bona artes defunt, dolis atque fallacijs contendit. Et utrique sàpe, quod exoptant, assequuntur. Hinc querela: hinc variaz in mentibus hominum existunt turbationes. Sàpe enim, ut D. Augustinus ait, dilectionem honor sequitur, & honor maximus inuidiam suscitat, ut apparuit in Daniele, quem rex Darius Astyagis filius honore,

Luc. 18. 19.

Coloss. 2. 9.

Apoc. 5. 12.

Aristot. lib. I.
Rhetor. c. 6.
Sallust. in
Catilin.

S. Augustinus
lib. 1. de mi-
rabil. S. Scri-
pturæ. c. 32.

ceteri

Ff 3

III.